



La sajun de lüsa alta se stlütj jö cun döes gran competiziuns sön la pista "Do Juvel" curida dala nêi.

La terza y ultima gara de Südtirolcup, preodüda de gnì tignida ia n Plan de Gralba, é gnüda desdita por impraticabilité dla pista. Se chirì al'ultim mumënt n ater post ne é nia sté poscibl, insciö él tomé la dezijiun de la spusté a chësc ultim fin dl'edema, in gaujiun di campionac taliagn a Longiarü. Na gara caraterisada dala tröpa nêi tomada tratan i dui dis, le laur di tröc voluntars che à desparé la pista por podëi ofrì les miûs condiziuns a düc i atlec, é dessigü gnü premié. La sabeda á spo i atlec garejé por la pröma manche di campionac taliagn, chësta é

insciö ince varënta sciöche ultima gara de Copa de Südtirol.

Jun daimpró ia cun i resultac di atlec ladins dla sabeda: 1. Ladstätter Greta, 3. Rubatscher Manuela, 4. Nagler Luisa (aspirantes), 2. Brunner Shamira (ëres), 3. Ploner Alex y 12. Deiacò Nicolas (apiranc), 9. Serafini Daniele y 11. Serafini Lorenzo (alievi), 3. Alton Anton y 6. Tavella Robert (master B 1), 7. Miribung Carlo (master B), 5. Knollseisen Kurt (master A).

Do la finala él sciöche vigne ann gnü trat la soma di punc concuistá tratan dütes trëi les competiziuns. Da alzé fora le titul por le campion dl' monn in ciaria Kaser Roman da Lijun, che á arjunt le mascim pro dütes trëi les gares y fej insciö súa chësta ediziun de Copa de Südtirol. Le medemo fej ince súa só Martina pro la categoria dles ëres, che arjunj ince la soma mascima de 300 punc.

I bugn resultac di ladins ne é nia mancia, tla categoria dles aspirantes é le podest de trëi atletes ladines. Rubatscher Manuela pó pié do la medaia d'or cun püc punc dan les döes atletes da Longiarü Ladstätter Greta che fej arjënt y Nagler Luisa, che fej le brom. Brunner Shamira arjunj le 2. plazamënt final do la campionëssa da Lijun. Na bela sodesfaziun pó se tó Knollseisen Kurt por ti ester sté bun al scalin d'arjënt y a Ploner Alex por avëi arjunt le 4. post final te súa categoria.

Chëstes les atres posiziuns finales tles singoles categories: 9. Serafini Daniele, 10. Serafini Lorenzo, 13. Deiacò Nicolas, 6. Tavella Robert, 7. Alton Anton, 4. Miribung Carlo, 11. Rubatscher Florian, 18. Forer Armin, 19. Novelli Alan (Longiarü) 8. Kirchler Moritz (Longiarü), 7. Gatta Damian (Longiarü), 11. Monthaler Tobias (Longiarü) 5. Clara Dominikus (Longiarü), 9. Seeber Helmut (Longiarü), 4. Preindl Peter (Longiarü), 6. Seeber Robert (Longiarü)

Campionac taliagn

Sön le program de chësc ultim fin dl'edema é ciamó la secunda manche dla gara por i campionac taliagn dla dumënia, tres sön la pista "Do Juvel" a Longiarü. L'atlet Kaser Roman da Lijun incoronëia chësta sajun plëna de devëntes cun le titul talian, mostran sö le tēmp final de 2'05:00.

Gran partezipaziun ladina, ince a livel nazional se fej cunesc nüsc atlec cun chisc resultac tles singoles categories, dal mëtman cun i atlec da La Val: 3. Peccei Lukas, 8. Serafini Daniele, 9. Serafini Lorenzo, 3. Rubatscher Manuela, 3. Ploner Alex, 9. Deiacò Nicolas, 2. Brunner Shamira, 4. Alton Anton, 6. Tavella Robert, 5. Knollseisen Kurt, 6. Miribung Carlo.

Atlec da Longiarü: Gran parüda dl'atleta da Valdaora che garejëia por la squadra da Longiarü Ladstätter Greta, che fej só le titul talian te súa categoria mostran sö n buniscimo tēmp y ruvan secunda tla generala dles ëres, 4. Nagler Luisa, 8. Gatta Damian, 12. Monthaler Tobias, 5. Preindl Peter, 2. Clara Florian, 3. Clara Matteo, 8. Seeber Robert, 7. Clara Dominikus, 7. Seeber Helmut

Presēnt ala gara è sté le campium atual de lüsa bassa Patrick Pigneter , che s'è sunté sön lüsa alta por se mosoré cun le campium de Kaser Roman. Por stlû jö le fin dl'edema perfet s'à ciamò Kaser tut la sodesfaziun de ti sciampé dant a Patrick por püc decims. Le talenté Floian Clara l'à ince porvada, rovan al terzo post. N duel interessant che à metü a confrunt i dui sporc de lüsa sön pista naturala.

Cun chesc fin dl'edma de lüsa alta röia la sajun a piz y i atlec pó mët ia i liöstri por jì tla miritada palsa.

I plazamënc dla sabeda (3 gara de Südtirolcup) ciafen a chësc link: [risultati](#)

I plazamënc finai de chësta esidizun de Südtirolcup ciafen a chësc link: [risultati](#)

I plazamënc dla gara por campionac taliagn ciafen a chësc link: [risultati](#)

Por deplö informaziuns, por ci che reverda resultač, novitês y le program dla lüsa pon vijité la plata internet sot a chësc linch: <http://www.sportrodel.it/>







Por atres foto: [Dropbox](#)